



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallela Geographiae Veteris Et Novae**

Parallela Geographica Italiae Veteris Et Novae

**Briet, Philippe**

**Parisiis, 1649**

Nvm. 4. Marchia Taruisana.

**urn:nbn:de:hbz:466:1-13120**

- VII Turrus, olim Turro: *Torre*, ex montibus Tarcentinis oritur.
- Ansa: *Ansa*, iam per incile deductus Palmam Nouam.
- Amphora: *Amfora*.
- FO- Natifo: *Natifone*, stadio vno ab Aquileia fluens urbem Forum Iulium alluens, & in Sontium cadens: vnde factum vt à quibusdam Aquileia ei affigatur; & fortè olim ad eam manu perductus.
- RO- Sontius: *Lisonzo*, cuius meminit Paulus Diaconus, à quo describitur non longè ab Aquileiâ: de vtroque in Antiquâ diximus.
- LIEN- TIMAVVS: *Timauo*, de quo in Antiqua pluribus egimus; hodie eius scatebræ sunt plurimæ, immo aliquando pauciores, aliquando plures, iuxta pluuium aut serenum tempus: quatuor ferè millibus passuum tunc etiam occultatus fuit, ait Leander, emersusque variis capitibus statim fluuium nauigabilem conficit, & ad scopulum Belfortiam in mare cadit.
- SIS
- AGRI.

NVM. 3. *Marchia Taruifana*, la Marche Taruifane.

- VR- TARVISIVM: *Tarviso*, de cuius fabulosâ origine, vide si orium est Leandrum; certè nemo veterum hoc appellat, Plinius tantùm montium meminit, quos Taurifanos vocat: fit primùm eius mentio in historia Gothicâ, vbi dicitur facta esse sedes Marchionis Longobardici. De variâ eius fortunâ, & Dominis diximus in Historicis. Patria fuit Benedicti XI. qui matrem inopem agnouit, splendidè vestitam reiecit.
- Musistra: *Musestre*, ad Fl. Silem *Sile*.
- BE S Altinum: *Altino Rouinata* inter Zeram Fl. & Silim, ex eius ruinâ creuit sequens: olim in paludibus.
- Torcellum: *Torcello*, iam in Ducatu collocatur, & nos de eo hîc.
- Æquilia Insula: hodie *Isola destrutta* ab Heraclianis conditum oppidum.
- Heraclia, hodie meo iudicio *Citta Nuova destrutta*, quam condidere Concordienses, Altinates, & Aquileienses

- post cladem urbium suarum, & in gratiam Heraclij Imp. sic dixere, vix c. l. annis duravit.
- Opitergium: *Oderzo*, ad Fl. Mutecam *Mottega*, olim mari propinquum, nunc 30. mil. pass. ab eo diremptum est. De variis eius vicibus, vide Leandrum: vrbeula iam minuta est.
- TER- Motta, seu Metta: *Motta*, Castellum non magnum, sed cum cultissimis suburbiis, & populo frequens.
- RI- Portus Bufaletius: *Porto Bufaleto*, ad Lipientiam Fl. Saxile: *Sacile* ad prædictum Fl. vrbs splendida & lauta, & doctissimis viris abundans.
- TO- CENEDA *Ceneda*, fortè Acedum Ptolemæi, Episcopalis, & iam in ditione summi Pontificis.
- R II Cordinianum: *Cordignana*, monti insidens, eximium propugnaculum conditum à Nicolao Rangone.
- Conegianum: *Conegliana*, castrum admodum opulentum & frequens ad Fl. Mutecam.
- TAR- Serauallis: *Seraualle*, inter colles nobilissimum oppidum, armorum nobilis officina, & negotiatione inclytum: percurritur Imesulo Fl. nunc in Tabulis Nouis *Meschio*.
- VISI- Colaltum: *Colalto*, fortissimorum virorum patrimonium.
- NI, Mellum: *Mel* in monte situm, caput Comitatus.
- Cesana: *Cesana*, ad Planim Fl. caput item Comitatus.
- Castrum nouum: *Castel nuouo*, ad Planim Fl. in valle Dobiadenâ.
- le Terri- Afulum: *Afola di Trenigio*, nobile oppidum & elegans ad Fl. Muffonum.
- toire de Barca: *Barco*.
- Tarviso. Castellum Francum: *Castro Franco*, pernobile oppidum ad Fl. Muffonum.
- Cismonium: *Cismon*.
- Bassianum: *Bassano*, inclytum origine Principum Carra-riensium qui Patavium obtinuerunt: nunc lautum est, & frequens, & celebratur à nobili quondam pictore indigenâ, vulgò *le Bassan*; circumposita regio dicitur *le Bassanese*.

- CADO-**  
**RINVS** { Parœcia Cadorini: *la piene de Cadoré*, non procul à Pla-  
**AGER** { ni fluuiio: vnde huic regiunculæ nomen.  
*le Cado-* { Auruncum: *Auranzo*, oppidum de quo nihil occurrit.  
*rin.* { Pirariolum: *Pirarolo*.  
          { Laurentiacum: *Lorentago*, seu *Lorenzago*.
- BEL-**  
**L V-**  
**NEN-**  
**SIS** { **BELLVNVM**: *Belluno*, ad Fl. Calorum *Calore*, qui hîc ca-  
          { dit in *Planim Piane*: exigua est, sed cultissima ciuitas  
**AGER** { Episcopalis; Leander hanc immeritò vocat antiquif-  
*Bellune-* { sime.  
*se, nobis* { Pontense Castrum: *Castro di Ponte*.  
*le Bellu-* { Zoltum: *Zoldo*, vbi montes asperrimi, sed ferri in pri-  
*nois.* { mis feraces, & præstantissimæ officinæ.  
          { Castrum Agordinum: *Castro Agordino* ad Fl. *Cordeuol*.  
          { Agorum: *Agoro*, ad prædictum amnem.  
          { Garesium: *Gares*, in montanis.  
          { Sylua S. Marci: *Bosco da Remi di Santo Marco*.
- FEL-**  
**TRI-**  
**NVS** { **FELTRIVM**: *Feltri*, ciuitas Episcopalis, patria Victorini  
**AGER** { viri eruditissimi, sita ad Fl. *Alfone*, qui mox cadit in  
*le Fel-* { Planim; circumposita regio montana est, & metalli-  
*trin.* { cis abundat.  
          { Vedana: *Vedana*, ad Fl. *Cordeuol*.  
          { Arsonium: *Arson*, ad Fl. Cauranum *Corano*.  
          { Fosatium: *Fozaso*, ad Fl. Cismonem *Cismone*.
- FLV-**  
**VII** { **ANAXVS** olim, { Padolus: *Padola*.  
          { postea Planis, { Boëtus: *Boëto*.  
          { *Piane*, multos { Calorus, olim Varanius Plinio, seu  
          { fluuios excipit, { Varianus: *Calore*.  
          { inter quos { Cordeuolius: *Cordeuol*.
- MAR-**  
**CHIÆ** { **LIQVENTIA**: *Liuenza*, oritur ex { Colina: *Colina*.  
          { môtibus Opiterginis, ex mul- { Meduna: *Meduna*, flu-  
          { tis fontibus largis, atque ex { uius irrigans agrum  
          { eodem penè loco profluenti- { Foroiuhensem.  
**TAR-** { bus, & antequam cadat in { Imesulus: *Meschio*.  
          { mare in duo cornua scinditur. { Muttecauerius torrês  
**VISA-** { In eum cadunt { quâ fluuius *Mottegan*:  
          { Zerus: *Zero*, seu *Zera* cadens in Torcelli æstuarium.  
          { Desis: *Desè*, Zero connectitur paulò antequam cadat in  
          { marc.

N Æ. Silis: *Sile*, per varios alueos in mare euoluitur.  
 Muffonius: *Muffone*, variis incilibus sectus in mare, non  
 tam euoluitur quàm spargitur.

N V M. 4. De Ducatu Veneto, vulgò le Dogado.

PARS est Marchiæ Taruifanæ, & huic accenseri debuit: sed  
 quoniam hæc regiuncula celeberrima est, ideò methodi caussa  
 hæc pars à toto reuellenda fuit.

INSVLÆ DVCATVS

VENETIÆ: *Vinegia* indigenis, nobis *Venise*, vrbs pulcherri-  
 ma & ditissima ex 60. ampliùs Insulis contexta est. Quo-  
 modo autem formata sit, & quibus incrementis aucta sit  
 diximus in Historicis. Nunc octo mille passibus eius pro-  
 currit ambitus, in sex partes distributa quas *Sexterias* vo-  
 cant, 64. parœcias; in eâ æstus maris ad duos pedes intu-  
 mescit: 460. pontes numerat partim lapideos, partim li-  
 gneos, quorum pulcherrimus, qui maiorem canalem iun-  
 git, vulgò pons Riui Alti, antea sublicius, sed an. 1591. ex  
 lapide Istriano ductus: canalis ille est triù milliarium. Hic  
 templum D. Marci pulcherrimum tum ex marmore, item  
 & area D. Marci, thesaurus pulcherrimus vbi duo cornua  
 Monocerotum, seu piscis Borealis; item Bibliotheca Bef-  
 farionis. Cymbarum hic 8. millia numerantur; nam lin-  
 tribus omnem in partem circumferri potes. Armamenta-  
 rium 2. milliarium ambitus, in quo cccc. artifices quoti-  
 die ex publico stipendium accipiunt: iuxtà locus *Tana*,  
 dictus rudentum & velorum officina; de eo suprâ in Hi-  
 storis. Castellum Oliuonense est Patriarchæ sedes. Gau-  
 ricus Astrologus pollicetur hanc duraturam annis 1880.  
 Quo tempore ait ex Insulâ continentem futuram: Sana-  
 zarius eam Epigrammate verè aureo laudauit.

IVDAICA: *la Giudica*, in Austrum Venetiarum splendidis æ-  
 dificiis excultra, & hortis: Euripo 400. passuum ab vrbe  
 dirimitur.

MVRIANVM: *Muriano*, distans ab vrbe mille passibus;  
 locus in primis amœnus vbi templa 14. hic scyphi vitrei  
 toto orbe celeberrimi 14. officinis elaborantur, & vitrum

CCccc ij